



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K. Gradašćevića 54, 76 250 Gradačac, telefon/faks: 035-817-462, e-mail: opc.grad.abih.net.ba.

PRIJEDLOG

Na osnovu člana 37. stav 1. Zakona o pravobranilaštvu ("Službene novine TK", broj 4/04, 5/08 i 2/14) i člana 24. stav 1. tačka 2. Statuta općine Gradačac ("Službeni glasnik općine Gradačac", broj 4/08), Općinsko vijeće općine Gradačac na sjednici održanoj dana _____ januara 2015. godine, na prijedlog općinskog načelnika, donosi

O D L U K U
o izmjenama i dopunama
Odluke o osnivanju općinskog pravobranilaštva Gradačac

Član 1.

U Odluci o osnivanju općinskog pravobranilaštva Gradačac ("Službeni glasnik općine Gradačac", broj 8/04 i 2/09), član 2. mijenja se i glasi: "Sjedište općinskog pravobranilaštva Gradačac nalazi se u Gradačcu u ulici Hasana Kikića bb (zgrada Crvenog križa/krsta)".

Član 2.

U članu 6. stav 2. mijenja se i glasi:

«Općinskog pravobranioca i zamjenika općinskog pravobranioca imenuje općinski načelnik na način i u postupku određenom za kantonalnog pravobranioca i zamjenika kantonalnog pravobranioca, u skladu sa Zakonom o ministarskim, vladinim i drugim imenovanjima u Federaciji BiH».

Iza stava 2. dodaje se novi stav 3., koji glasi:

«Odluku o razrješenju općinskog pravobranioca, odnosno zamjenika općinskog pravobranioca, uz prethodno datu mogućnost da se izjasni o razlozima njihovog razrješenja donosi općinski načelnik».

Iza stava 3. dodaje se novi stav 4., koji glasi:

«Općinski pravobranilac i zamjenik općinskog pravobranioca podnose ostavku općinskom načelniku».

Iza stava 4. dodaje se novi stav 5., koji glasi:

"Prije stupanja na dužnost općinski pravobranilac i zamjenik općinskog pravobranioca daju svečanu izjavu pred općinskim načelnikom".

Član 3.

Član 9. mijenja se i glasi:

"Za općinskog pravobranioca i zamjenika općinskog pravobranioca može biti imenovan državljanin Bosne i Hercegovine, koji ima visoku stručnu spremu – VII stepen odnosno visoko obrazovanje prvog, drugog ili trećeg ciklusa Bolonjskog sistema studiranja, koji se vrednuje sa najmanje 240 ECTS – pravne struke, položen pravosudni ispit i iskustvo u radu na poslovima zastupanja pred sudom, odnosno imovinsko pravnim poslovima, u trajanju od najmanje tri godine nakon položenog pravosudnog ispita, koji je radeći na tim poslovima stekao visok ugled pravnog stručnjaka i koji posjeduje najviše moralne osobine za obavljanje službe pravobranioca".

Član 4.

Iza člana 10. dodaje se novi član 10.a., koji glasi:

“U slučaju da je općinski pravobranilac zbog vanrednih okolnosti spriječen da obavlja svoju funkciju, općinski načelnik može imenovati vršioca dužnosti općinskog pravobranioca, dok traju te okolnosti.

Osoba koja se imenuje za vršioca dužnosti općinskog pravobranioca mora ispunjavati uslove za imenovanje općinskog pravobranioca”.

Član 5.

Iza člana 10.a. dodaje se novi član 10.b., koji glasi:

“U slučaju da općinski pravobranilac kome istekne mandat ne bude ponovo imenovan na istu poziciju, može bez konkursa biti imenovan za zamjenika općinskog pravobranioca pod uslovom da takvo mjesto postoji upražnjeno, a u protivnom mu prestaje radni odnos u općinskom pravobranilaštvu, s tim što u tom slučaju ostvaruje pravo analagno pravu izabranog lica, a u skladu sa Odlukom o plaćama i naknadama uposlenika i izabranih dužnosnika u organima općine Gradačac (“Službeni glasnik općine Gradačac”, broj 10/13).

Član 6.

Iza člana 13. dodaje se novi član 13.a., koji glasi:

“Općinsko pravobranilaštvo podnosi općinskom načelniku izvještaj o svom radu, najkasnije do kraja marta mjeseca tekuće godine za prethodnu kalendarsku godinu.

Općinsko pravobranilaštvo, na zahtjev Općinskog vijeća ili na svoju inicijativu, Općinskom vijeću podnosi izvještaj o svom radu, kao i informaciju o uočenim pojavama i problemima u primjeni zakona i drugih propisa od značaja za ostvarivanje funkcije općinskog pravobranilaštva”.

Član 7.

Pravilnik o unutrašnjoj organizaciji općinskog pravobranilaštva Gradačac, br. Op – 8/05 od 18.03.2005. godine i br. Op – 6/07 od 30.03.2007. godine, općinski pravobranilac obavezan je uskladiti sa odredbama ove odluke u roku od 30 dana, od dana važenja ove odluke.

Član 8.

Ova odluka je važeća osmog dana od dana objavljivanja u “Službenom glasniku općine Gradačac”.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
Općinsko vijeće

Broj: _____/15
Gradačac, januara 2015. godine

PREDSJEDAVAJUĆI OPĆINSKOG VIJEĆA
Šakić Enir, prof. s.r.

O B R A Z L O Ž E N J E

prijedloga Odluke o izmjenama i dopunama Odluke o osnivanju općinskog pravobranilaštva Gradačac

I - Pravni osnov

Pravni osnov za donošenje Odluke o izmjenama i dopunama Odluke o osnivanju općinskog pravobranilaštva Gradačac sadržan je članu 24. stav 1. tačka 2. Statuta općine Gradačac ("Službeni glasnik općine Gradačac", broj 4/08), kojim je propisano da Općinsko vijeće donosi odluke kojima uređuje pitanja neophodna za izvršavanje nadležnosti općine, a u granicama zakona, kao i u odredbama Zakona o izmjenama i dopunama Zakona o pravobranilaštvu ("Službene novine TK", br. 2/14).

II - Razlozi za donošenje odluke

Zakon o pravobranilaštvu na nivou Tuzlanskog kantona donesen je aprila mjeseca 2004. godine, a odluka o osnivanju općinskog pravobranilaštva Gradačac u decembru 2004. godine i to na osnovu člana 37. navedenog Zakona o pravobranilaštvu, objavljenog u Službenim novinama TK, br. 4/04, koja je propisala da Općinsko pravobranilaštvo osniva općinsko vijeće.

Zakonom o izmjenama i dopunama Zakona o pravobranilaštvu ("Službene novine TK", br. 2/14) vrši se usaglašavanje kantonalnog Zakona o pravobranilaštvu sa Zakonom o federalnom pravobranilaštvu, tj. njegove odredbe koje se odnose na pitanja imenovanja, razrješenja i druga pitanja kantonalnog i općinskih pravobranilaca, a koja se na općinskom nivou regulišu na način da to pitanje povjeravaju nosiocu izvršne vlasti, odnosno općinskom načelniku. Pored navedenog izmjenama i dopunama Zakona o pravobranilaštvu vrši se usklađivanje važećeg zakona sa relevantnim propisima koji su u međuvremenu doneseni.

S druge strane, izmjenama i dopunama Zakona o pravobranilaštvu u pogledu obavljanja funkcija kantonalnog i općinskih pravobranilaštava, pokušavaju se iznaći rješenja raznih mogućih situacija koje nameće život s ciljem izbjegavanja situacija koje imaju za posljedicu blokade i otežan rad Pravobranilaštava, koja kao posebni i samostalni državni organi obavljaju značajnu funkciju u smislu zaštite imovine i imovinskih interesa kantona i općina.

Takođe, u novim zakonskim rješenjima jedinstveno se propisuju uslovi za obavljanje službe kantonalnog i općinskih pravobranilaca i sužavaju kriteriji u pogledu radnog iskustva lica koja mogu biti imenovana na poziciji pravobranioca, a na način da je radno iskustvo lica stečeno na poslovima zastupanja pred sudom, odnosno imovinsko-pravnim poslovima, od najmanje tri godine nakon položenog pravosudnog ispita, uz stečeni visok ugled pravnog stručnjaka i najviše moralne osobine.

Predložena Odluka o izmjenama i dopunama odluke o osnivanju općinskog pravobranilaštva preuzima normativna zakonska rješenja u cijelosti i usklađuje postojeću odluku o osnivanju općinskog pravobranilaštva sa zakonom, te uređuje i usklađuje promjenu adrese sjedišta općinskog pravobranilaštva, zatim statusna pitanja općinskog pravobranioca i njegovog zamjenika u dijelu procedura i nadležnosti za imenovanje, razrješenje, podnošenja ostavke, davanje svečane izjave,

zatim utvrđuje propisane uslove za obavljanje službe općinskog pravobranioca i zamjenika općinskog pravobranioca, kao i postavljenje vršioca dužnosti općinskog pravobranioca u vanrednim okolnostima.

Takođe, odluka propisuje i precizira izvještavanje općinskog pravobranilaštva o svom radu i to redovno općinskog načelnika, a po zahtjevu općinskog vijeća ili na inicijativu Pravobranilaštva i podnošenje izvještaja i općinskom vijeću, kao i informacija o uočenim pojavama i problemima u primjeni zakona i drugih propisa od značaja za ostvarivanje funkcije općinskog pravobranilaštva.

III – Finansijska sredstva za donošenje odluke

Za provođenje predložene odluke nije potrebno osiguravati dodatna finansijska sredstva iz Budžeta općine Gradačac.

Gradačac, januara 2015. godine

OBRADIVAČ
Općinsko pravobranilaštvo Gradačac